

no. 8

# HARANGVE

AV ROY SVR LA

conclusion des Estats.

---

M. DC. XV.

*Duple*

HARVINGE

AV ROY SVR LA

conclusion des Emissaires

duplicate

not

Catalogue

XXV

H A R A N G V E

A V R O Y S V R L A

conclusion des Estats.

S I R E,

Si les maladies recognues sont à moytié gueries, j'assureray veritablement que celles qui rendēt tous vos fujets presque incurables sous le fardeau d'anciennes & cuisantes douleurs, ont fait maintenant rencontre du remede necessaire à leur parfaite guerison, puis-que vostre Majesté desireuse du bien & repos de son peuple à voulu sçauoir & recognoistre ces plaintes par l'organe de ces Estats, qui ont en ceste action esgalement ressenti & la douceur d'un pere, & la volonté d'un Roy, recherchant plustost les limites de nos

A ij



4  
miseres que la cognoissance de  
leur estre, nous ne doutons plus  
Sire, quelles ne soiēt au periode de  
leur durée, vostre Majesté ayant  
agree qu'on remit entre ses mains  
les cayers arrestez par la conuoca-  
tion de ceste assemblée, qui les  
vous offre avec les tres-humbles  
remerciments quelle vous doit,  
d'auoir permis a nos malheurs la  
liberté de se plaindre, & de re-  
courir à vostre clemence, pour ar-  
rester la violente poursuite de nos  
calamitez. Les guerres ciuiles leur  
auoiēt donné l'entrée avec tāt d'a-  
uantage, que la continuation nous  
les faisoit esperer plus tard adou-  
cies que paracheuées, & le meslan-  
ge de nos volontez desunies faisoit  
croire ces trauerſes de longue ha-  
leine, lors que la sage conduite du  
feu Roy, & son iugement rendit  
le repos a nos vies, la paix à ces pro-

uinces, & l'yssuë aux languissantes  
peines de son peuple, les traux  
passez n'estoiēt encore escoullez a  
demy de nostre souuenir, & les  
ydées de nos inquietudes sēbloient  
renaistre en nos pensées, lors que  
soubz le regne d'vne facile obeis-  
sance, & d'un heureux comman-  
dement, le ciel nous feit aussi-tost  
orphelins qu'enfans desolez d'une  
perte qui n'en auoit point eu de  
plus grande & heritiers d'une infi-  
nité de larmes qui n'en pouuoiet  
auoir de secondes, maintenant,  
Sire, quelle plus apparante raison  
sçauroit-on trouuer de la recheur-  
te deplorable arriué à vostre peu-  
ple françois, qu'acablant ces pro-  
pres consciences d'un reproche de  
lascheté, d'un blasme de perfidie,  
d'un titre de cruelle brutalité, il est  
a croire que l'eternelle puissance a  
a rapelé nos miseres & malheurs

pour la iuste punition de nos mé-  
faits.

Qui ne dira Sire, a la veüe de  
l'ordre ecclesiastique reueré des  
anciens chery & honoré des Roys  
nos predecesseurs, soustenu du ciel,  
méprisé d'une partie de vos sugers,  
où qu'ils ne soiēt descheus du lustre  
de leurs conditions, où que leur  
courage matté par les ennemis de  
leur dignitez ne trouue plus le  
moyen ny le pouuoir de se deffen-  
dre, il est vray que la diuersité des  
personnes, & notamment incapa-  
bles appelées à ces charges n'estant  
portées d'un mesme zelle, & si le-  
gitime de maintenir avec leurs  
droits leur auctorité, on doit  
moins s'estonner si ce premier  
corps de vostre Estat, & principal  
membre de vostre Royaume, ne  
peut retenir la splendeur que ces  
deuanciers ont si cherement con-



seruée. Il apparoit tous les iours  
aux yeux de vostre Majesté, com-  
bien peu d'estime on fait ie ne di-  
ray pas des moindres, mais des plus  
releuez de c'est ordre, leurs person-  
nes & biens estant à la disposition  
& volonté des seculiers, & souuent  
de la religion pretenduë & reform-  
mée pour en mesuser, qui se ren-  
dront tellement impatiens a de  
semblables entreprinſes, qu'ils en  
rechercheront plustost la végence  
par vne licence desreglée, que la  
raison par leur deuoir, & l'adueu  
de vostre Majesté. Deuons nous  
attendre Sire, des personnes de tel-  
le humeur, & condition le resta-  
blissement de la mourante lumie-  
re de vostre Clergé, ils abbayent  
apres les commoditez de l'Esglise,  
pour la destruire plus aysement  
luy ayant rauy des mains le sou-  
ſtië de son authorité, & s'imaginēt

que sous quelque pretexte d'une  
 maxime d'estat ils se donneront  
 une necessaire entrée dans les mel-  
 lieurs benefices de vostre Royau-  
 me, au grand preiudice de ceux  
 qui legitiment & par merites  
 se croyoient assurez de l'auantage:  
 Mais quoy Sire, i' imite vostre Ma-  
 jesté d'accompagner nos secondes  
 larmes, de ces regrets, nos playes de  
 ces souspirs, & la perte de sa plus  
 genereuse Noblesse d'une marque  
 de iuste douleur, elle qui iadis n'a  
 porté son courage qu'à la cause de  
 son Dieu, ses armes a l'interest de  
 son Roy, sa vie à la protection de  
 sa patrie, cesse maintenant dere-  
 cognoistre son Createur, oublie le  
 deuoir à son maistre, chancelle au  
 maintien de sa naissance, elle qui  
 autrefois a rendu ses conquestes  
 volontaires, qui tenoit la victoire  
 tributaire de sa valeur, la crainte  
 des



des ennemis de son repos, fidelle  
 deffiance de son Prince, vray pro-  
 totype de douceur, combat main-  
 tenant au desauantage de son hon-  
 neur, obscurcit sa gloire passée  
 d'un eternal reproche de cruauté,  
 flétrit & abbat ces palmes & lau-  
 riers sous les honteux fonde-  
 mens de sa ruine, n'a plus de res-  
 pect pour son Roy, d'obeissance  
 pour ses edits & commandemens,  
 d'humanité pour soy mesme,  
 pleust-il a Dieu, Sire, ou que ces  
 esprits qui par des excez de furie  
 trouuent trop tard le repentir & le  
 deuil dans les duels qu'ils recher-  
 chent avec autant de presumption  
 que de legere vanité, où qu'ils fus-  
 sent audelà de ce premier instant  
 de leur estre, ou que vraiment  
 hommes & plus susceptibles de  
 rayson, ils eussent la cognoissan-  
 ce de leur mal, & quelque appre-

hension de leur infortune, il est à croire qu'estant ainsi esclairé en l'interieur, & vos ordonnances exactement obseruées, qu'on ne verroit plus escouler ces ruisseaux du sang humain inutilement espandu, ils n'abandonneroit point leurs vies qu'en des occasions plus honorables, & leurs propres armes n'estant plus son tumbeau, vostre Majesté verroit sa Noblesse, vn des beaux ornemens du monde d'exemple, de courage, & de vertu, se rendre inimitables: Maintenant Sire, quel funeste euenement ne nous prepare la perfidie qui s'exerce ordinairement parmy vne partie des plus releuez de vostre tiers estat, commis aux charges de vostre iustice & maniement de vos finances, doit on prescrire des bornes a nos pensées contraires a l'object de nos gens, qui four-

nissent en ce sujet des matieres  
 fort equitables a nostre raison,  
 pour monstrier à vostre Majesté  
 qu'ils s'esloignent par trop du  
 soulagement de vostre commun  
 peuple, trauaillé par des concus-  
 sions extraordinaires & accoustu-  
 mées, ils s'attachent plus libremét  
 a sa ruine, parce qu'ils la peuuent  
 recognoistre, mais non pas en fai-  
 re parestre le ressentiment, il est  
 impossible de retirer les grandes  
 sommes qu'ils mettent a l'acqui-  
 sition de tels offices, les despances  
 qu'ils font en estant pourueus, &  
 laisser des tresors à ceux qui restent  
 leurs heritiers, qu'en partageant  
 avec de l'excez ce qui concerne  
 leur particulier, & les voyla nom-  
 plus vtilés & necessaires au public,  
 non plus capables de seruir au ge-  
 neral, mais seulement dangereux  
 instruments de leurs propres pas-



sions, qui n'aspirent & ne respirent qu'un amas insupportable de richesses, ce sont Sire, les trois sources de plusieurs miseres particulieres, la fontaine de nos maux passés, & reuenus des puissances moins d'empeschement que de licence, & sans doute si la suite de ces libertez n'eussent esté adoucies par la prudence de la Royne, contrariées par son auctorité, retenues par la sage conduite de sa regence, les effets de ces desordres qui sembloient presens à vostre iugement, eussent tesmoigné la recherche de nos malheurs moins durable que dangereuse; ceste compagnie deputée de toutes les prouinces de vostre Royaume, presente a vostre Majesté les articles & remedes de ces doléances, & vous supplie tres-humblement que le bien commun de vostre peuple les rende

autant faciles que necessaires, à fin  
 que l'ordre Ecclesiastique remis,  
 vostre Noblesse reunie, la Iustice  
 releuée, vous puissiez estre par  
 vœux, par armes, par equité, sous-  
 tenu du ciel, cheri de Dieu, seruy;  
 & honoré, des plus proches de vo-  
 stre personne, obey, & aymé de  
 tout le peuple, comme fils ayné de  
 l'Eglise, bon Maistre a sa Nobles-  
 se, doux Pere a ses sugets.

F I N.

25  
L'ame de l'homme qui se meurt  
pour l'honneur de Dieu et de son  
vostre Noblesse, comme la sainte  
religion, vous pousse à être par  
vostre humilité, par votre  
amour de ciel, cher de Dieu, de  
se honorer de plus proches de son  
sacré honneur, obéir à son  
sacré honneur, comme à son  
sacré honneur, comme à son  
sacré honneur, comme à son

F I M





